

BOSNA I HERCEGOVINA
Konkurenčijsko vijeće



БОСНА И ХЕРЦЕГОВИНА
Конкуренцијски савјет

M I Š L J E N J E

**po Zahtjevu Državne regulatorne komisije za električnu energiju na „Nacrt odluke o izmjenama
i dopunama Metodologije za izradu tarifa za usluge prenosa električne energije“**

Sarajevo,
juni, 2014. godine



Broj: 01-26-7-08-1-I/14
Sarajevo, 10. juni 2014. godine

Na osnovu člana 25. stav (2) Zakona o konkurenciji (“Službeni glasnik BiH”, br. 48/05, 76/07 i 80/09), a na zahtjev Državne regulatorne komisije za električnu energiju, Miška Jovanovića 4, 75000 Tuzla, Konkurencijsko vijeće Bosne i Hercegovine na 92. (devedesetdrugo) sjednici održanoj dana 10. juna 2014. godine, donosi

MIŠLJENJE

Nacrt odluke o izmjenama i dopunama Metodologije za izradu tarifa za usluge prenosa električne energije, Nezavisnog operatora sistema i pomoćne usluge je usaglašen sa odredbama Zakona o konkurenciji.

Obrazloženje

Državna regulatorna komisija za električnu energiju, Miška Jovanovića 7, 75000 Tuzla (u daljem tekstu: DERK ili Podnositac zahtjeva), podnijela je Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za davanje mišljenja (u daljem tekstu: Zahtjev) na Nacrt odluke o izmjenama i dopunama Metodologije za izradu tarifa za usluge prenosa električne energije, Nezavisnog operatera sistema i pomoćne usluge (u daljem tekstu: Nacrt odluke), zaprimljen dana 22. maja 2014. godine pod brojem: 01-26-7-08-I/14.

Metodologija za izradu tarifa za usluge prenosa električne energije, Nezavisnog operatera sistema i pomoćne usluge (“Službeni glasnik BiH”, br. 46/05, 17/07, 11/09 i 73/11) (u daljem tekstu: Metodologija) je pravni akt kojim se utvrđuje metodologija za izradu tarifa za usluge prenosa električne energije i metodologija za izradu tarifa sistemskih usluga Nezavisnog operatera sistema i tarifa za pomoćne usluge.

Prema članu 5. Metodologije, tarife koje donosi DERK su prenosna mrežarina, tarifa za sistemske usluge Nezavisnog operatera sistema i tarife za pomoćne usluge, a prema članu 9. Metodologije regulisanjem cijena (tarifa) obezbjeđuje:

- dugoročno poslovanje kompanija, koje se bave regulisanim djelatnostima, uz pokrivanje opravdanih troškova i odgovarajući povrat sredstava;
- poboljšanje produktivnosti poslovanja u okviru regulisanih djelatnosti, uz razumno i efikasno investiranje; i
- opravdani razvoj prenosne mreže i upravljanja prenosnom mrežom u cilju obezbjeđenja sigurnog i kvalitetnog snađijevanja korisnika.

Nacrt odluke se odnosi na izmjene i dopune postojeće Metodologije, članove koji se odnose na troškove gubitka na mreži prenosa, odstupanja od dnevног rasporeda i obračun i fakturisanje pomoćnih i sistemskih usluga.

Takoder, Nacrt odluke uključuje i nove članove koji se odnose na sekundarnu regulaciju – energiju, tercijarnu regulaciju – kapacitet, tercijarnu regulaciju – energiju i tarifu za sistemsku uslugu, kao i članove koji se odnose na monitoring prikupljanja javnih ponuda, obaveze Nezavisnog operatera i usklađivanje tržišnih pravila sa Metodologijom.

Konkurencijsko vijeće je ocijenilo da isti ne sadrži odredbe koje mogu sprječavati, ograničavati ili narušavati tržišnu konkureniju na relevantnom tržištu Bosne i Hercegovine, te je odlučilo kao u dispozitivu.

Predsjednik

Gordan Raspudić